



**ШЕШІМ**

**11.12.2020**

Нұр-Сұлтан қаласы

**Нұр-Сұлтан қаласы  
мәслихаты хатшысының  
міндетін атқарушының  
2020 жылы атқарған  
жұмысы туралы есебі**

**РЕШЕНИЕ**

**№ 555/77-VI**

город Нур-Султан

Нұр-Сұлтан қаласы мәслихаты хатшысының міндетін атқарушы М.З. Шайдаровтың 2020 жылы мәслихат қызметін ұйымдастыру бойынша атқарылған жұмыс туралы есебін тыңдалап, мәслихат сессиясы жергілікті өкілді органның өкілеттіктерін іске асыру Қазақстан Республикасының Конституциясына, "Қазақстан Республикасындағы жергілікті мемлекеттік басқару және өзін – өзі басқару туралы" Занға (бұдан әрі - Қазақстан Республикасының Заны) және қалалық мәслихат жұмысының регламентіне сәйкес жүзеге асырылғанын атап өтеді.

2020 жыл кезеңінде Нұр-Сұлтан қаласының мәслихаты (бұдан әрі-Мәслихат) 16, оның ішінде: 3 кезекті және 13 кезектен тыс сессия өткізді. 73 мәселе қаралып, олар бойынша тиісті шешімдер қабылданды.

Мәслихаттың бұрын құрылған төрт тұрақты комиссияларында қалалық бюджетті қалыптастыру және орындау, бюджет қаражатын тиімді пайдаланудың, қаланы абаттандыру, тұрғын үй-коммуналдық қызметтердің сапасы және тұрғындардың әлеуметтік жайлышының қатысты өзекті және қоғамдық-маңызды мәселелер қаралды.

Мәслихат сессиялары мен оның органдарының барлық отырыстары тұрғындар үшін ашық және қол жетімді болғанын атап өткен жөн. Елорда тұрғындарының әрқайсысы оларға қатыса алды.

Covid-19 коронавирустық инфекциясының пандемиясына байланысты Мәслихаттың отырыстары "Zoom" сервисінің бейнеконференцбайланыс платформасында өтті. Депутаттық корпустың жұмысы туралы халықты кеңінен ақпараттандыру үшін сессиялар, тұрақты комиссиялар отырыстарының, Мәслихаттың көпшілік тындауларының онлайн-трансляциясы "Facebook" әлеуметтік желілерінде қамтамасыз етілді. Бұл ретте Мәслихат отырыстарының трансляциясын 2018 жылдан бастап, Facebook онлайн-режимінде екі жыл бойы жүргізіп келеді.

**0002494**

Мәслихат депутаттары қоғамдық іс-шараларға, қайырымдылық акцияларға белсенді қатысып, түрлі іс-шараларды өткізу кезінде демеушілік көмек көрсетті.

Ағымдағы жылы Мәслихат депутаттары Қазақстан Республикасы Парламенті Сенатының депутаттарымен белсенді және тығыз байланыста жұмыс істеді. Кездесулер өткізді, онда тиісті кезеңге арналған бюджет жобаларын жоспарлау бойынша, бюджетті қалыптастыру процесін реформалауға бағытталған жұмысты жүргізу бойынша, жергілікті атқарушы органдардың стратегиялық жоспар құруының бастапқы қажеттілігі туралы ұсыныстар талқыланып енгізілді.

Мәслихат заң шығару қызметін жүзеге асырды. Қазақстан Республикасының заңнамасында белгіленген тәртіппен Қазақстан Республикасының заңнамалық актілеріне, атап айтқанда, 2007 жылғы 21 шілденің "Қазақстан Республикасы астанасының мәртебесі туралы", 2001 жылғы 23 қаңтардың "Қазақстан Республикасындағы жергілікті мемлекеттік басқару және өзін-өзі басқару туралы" Зандарына өзгерістер мен толықтырулар енгізу жөнінде, сондай-ақ Қазақстан Республикасының кейбір заңнамалық актілеріне қоғамдық кеңестер қызметі мәселелері бойынша өзгерістер мен толықтырулар енгізу жөнінде тиісті ұсыныстар енгізілді.

#### **Нұр-Сұлтан қаласының Мәслихаты ШЕШІМ ҚАБЫЛДАДЫ:**

1. Нұр-Сұлтан қаласы Мәслихаты хатшысының міндетін атқарушы М.З. Шайдаровтың Мәслихаттың 2020 жылға қызметін ұйымдастыру бойынша атқарылған жұмыстар туралы есебі назарға алынын.

**Нұр-Сұлтан қаласы мәслихаты  
сессиясының төрағасы**

**Нұр-Сұлтан қаласы  
мәслихаты хатшысының м. а.**

Г. Данбаева

М. Шайдаров